

Bak bi neix fwnrumz doxbuenx, bak bi neix vuet haz vuet em, bak bi neix buekguh baenaj. Ngeuxyawj bak bi lizsij aendangj ronghsagsag haenx, Cunghgoz Gungcanjdangj itloh byaij daeuj gig mbouj yungzheih. Vih angqhoh Cunghgoz Gungcanjdangj laeb ndaej 100 hopbi, geiz neix raeuz geggangj gij gojgaeq aendangj, dauqun simnduj caeuq sawjmingh, caezsim comzrengz dauq hwnjdin.

1

Laebbaenz Cunghgoz Gungcanjdangj

中国共产党的创立

Haj Seiq Yindung bauqfat, Maj-gwzswh Cuiyi youq Cungguek cienz ndaej gig vaiq, lumj fwn gvaq rangz did nei, daengx guek gak dieg foenfoen laebbaenz doengh aen "Siujcuj Gungcanj Cuiyi". Bi 1921 ndwen 7 ngoenz 23, Cunghgoz Gungcanjdangj Mbat Daih'it Daengx Guek Daibyauj Daihhoih youq Sanghaij ciuhai. Hoeng seizde hoihciengz deng gij gingjaz Fazcuhgai souhcaz, ngoenz satbyai youh gaij youq aenruz gwnz Nanzhuz Cezgyangh Gyahhingh bae hai.

《Hai Seizdaih Moq》cit denyngij neix caiqyienh le gij lizsij ciengzgingj seizde:

Seizneix raeuz cingj Mauz Cwz-dungh dungzci doeg gij dangigangh Cunghgoz Gungcanjdangj.

Mauz Cwzdungh: 《Gij Dangigangh Cunghgoz Gungcanjdangj》: It, Aendangj raeuz heuhguh Cunghgoz Gungcanjdangj.

Ngeih, Gij ganghlingj aendangj raeuz dwg: Byawz nyinhdoengz gij ganghlingj caeuq cwngcwz raeuz, nyienh' eiq doiq aendangj cungsim, cunj ndaej guh bouxdaih raeuz…… Bi 1921 ndwen 8 ngoenz 3 mbwn lij fuemx, gij mwg ndat gwnz Nanzhuz Cezgyangh Gyahhingh cingq menhmenh sanq bae. Aenruz mbouj hung mbouj iq gwnzhuz ndawde cix faenhveiz cingqging yiemzsuk. Cunghgoz Gungcanjdangj Mbat Daih'it Daengx Guek Daibyauj Daihhoih couh youq gij sing daemq "Cunghgoz Gungcanjdangj fanhbi" ndawde hai sat lo.

It Daih Aendangj cingqsik senhgau Cunghgoz Gungcanjdangj laebbaenz lo. Cunghgoz Gungcanjdangj oksei q youq lizsij Cungguek gwnzde hai le aen giyenz moq ndeu. Dajneix doxdaeuj, gij yienghceij Cunghgoz gwzming bienq ndaej moqsaksak, caiq mbouj lumj doenghbaez lo.



▲Aen dieggeq Cunghgung It Daih.

2

Cunghgoz Gungcanjdangj Faenh Vahmieng Haeuj Dangj Daih'it

中国共产党第一份入党誓词



▲Aen dieggeq coengceiz Ranz Yez.

(Gij doz cunj dwg daj gwnzmuengx aeu)

Bi 1927 ndwen 10 ngoenz 15 gyanghaemh, youq gwnzham aen coengceiz Ranzyez laeng Huznanz Swngj Yenzlingz Yen Suijgouj Gai, Mauz Cwzdungh fwnzg-vgaz gaem gienz yaengx hwnjdaej, caennadang daiq Cenz Swgi, Lai Yi daengj 6 boux dangjyenz moq senhsi haeuj dangj.

Aendaiz gwnzham diemj le aen daeng'youzhaeu ndeu, ndawrug caenh miz geij aen daengqraez, faqciengz baihbak ing aendaiz seiqfueng ndeu, gwnzde daenz le song mbaw ceijhoengz raezsei qfueng venj roengzma haenx. Mbaw ndeu raiz miz "CCP", gij yinghyij suksij Cunghgoz Gungcanjdangj, mbaw wng cix dwg gij vahmieng haeuj dangj Mauz Cwzdungh sij haenx: "Vutmingh swheij, roengzrengz gwzming, gaihgez doxdaeuj, fugcoengz cujiz, soujred mimiz, ciengxlwenx mbouj fanjgoet aendangj."

Bi 1931 ndwen 1 ngoenz 25 gyanghaemh 8 diemj lai cung, Yanghnungzvei Vangz cujsiz daiq song boux cizvei duiyenz haeuj aen ranzcaqyouz bae. Gyoengqde diemj le 3 aen daengdoengzyouz, goemq ndaet dou cueng le couh senhsi haeuj dangj lo. Ngoenzde doengxhaemh, Ho Yezdoj fonj daengz gyanghwnz cungj ninz dwk da mbouj laep. De doq hwnjdaej doq ra geuz dawz

mbawbaengz demhninz raed vengq ndeu okdaeuj, youq gwnzde maegsij gij vahmieng banngoengz senhsi haenx. Sam bi gajlaeng, mwh hoenx ciengq, de ngaiz sieng le, mbouj ndaej riengz hungzginh bae cangzcwngh, caemhcai q ra mbouj raen cujiz aendangj, hoeng de lij dawz mbaw sawsenhsi haeuj dangj de yo ndaej gig ndei. Cunghgoz moq laebbaenz le, cunghyangh baiq veivwndonz daengz dieglauz gwzming baihnanz bae, Ho Yezdoj cij gyau mbaw vahmieng haeuj dangj dijbau haenx hawj bouxdawzrap veivwndonz.

Bi 1982, Cibngeih Daih Aendangj dauq daezlien h gij vahmieng haeuj dangj, mbat daih'it dawz de sij haeuj 《Aen Canghewngz Cunghgoz Gungcanjdangj》bae, caemhcai q gvidingh ndei: "Boux dangjyenz yawhbwh yaekaeu youq dangqna j fan geiz aendangj guh gij senhsi haeuj dangj", gij vahmieng haeuj dangj gungh 12 coenz 80 cih caemh daj seizde yungh daengz seizneix, bienqbaenz gij wngqcingz nyinhcaen moix boux dangjyenz.

(swhliu daj Gungcanjdangj yenz vangj aeu)

